

金石萃編

金石萃編卷八十

賜進士出身 誥授光祿大夫刑部右侍郎加七級王昶撰

唐四十

崔漢衡題名

在昭應碑後李休光題額  
字下三行字數不等隸書

蓮華魏崑竹箭喧厖浩々今古憧々往來

銀青光祿大夫守兵部尚書博陵郡開國公崔漢衡

興元元年十二月廿三日舉陰縣令盧倣書

題云守兵部尚書博陵郡開國公唐書載漢衡官爵

甚詳不言封博陵郡公亦是缺略婁機漢隸字源云

漢樊毅復華下民租碑唐興元中華陰縣令盧倣求

得而爲之記八分書于碑末卽此人

關中金石記

崔頰等題名

在昭應碑前咸亨字下三行  
行六字九字不等左行行書

檢校水部員外郎崔頰

華陰縣令韋綬

貞元元年二月六日記

又一行在崔頰  
之下行書

華州司功叅軍鄭齊舛

唐書韋綬傳綬字子章京兆萬年人建中中爲長安

尉朱泚亂羸服走奉天拜華陰令案唐有兩韋綬

爲韋質之兄非此人

關中金石記

裴濟等題名

在告華岳文碑正中七  
行字數不等左行正書

前萬年縣尉裴堪

前華陰縣丞盧佩

懷州河內縣丞盧潛

鄭駟

進士裴諫 裴誼

貞元九年七月廿五日奉軍事裴濟題

請雨文

潯河東聞喜人善隸書唐書有傳宣和書譜云潯隸書爲時推重晚歲行草尤勝攷潯以蔭起家此稱黎軍事而不著地當卽是華州諸參但未辯何司耳題內又有盧渚盧佩渚名見宰相世系表佩名見河東記

關中金

石記

右題名正書在盧朝徹謁獄文之後舊唐書列傳裴潯河東人少篤學善隸書以門蔭入仕元和初累遷右拾遺轉左補闕

新唐書同

撰題名貞元九年方爲叅軍

事此卽以門蔭入仕時也沈亞之河中府叅軍廳記

國朝設官無高卑皆以職授任不職而居任者獨叅  
軍焉觀其意蓋欲以清人賢胄之子弟將命試任使  
以雅地任之耳

文苑英華

關中金石記攷潯以蔭起家此

稱叅軍事而不著地當卽是華州諸司但未辨何司  
予攷職官志上州司功司倉司戶司兵司法司士六  
曹叅軍事各一人外又有叅軍事四人華州爲上輔  
於設官當四人然則潯稱叅軍事卽四人中之一非  
六曹諸司也題名字體端勁必潯之自書得此益見  
善緣書非虛美矣

授堂金石跋

鄭全濟等題名

在告華岳丈碑裴濟之下  
五行字數不等左行正書

將口口守尉鄭全濟字巨舟

口口縣尉李端士

口口縣尉鄭曄

貞元十三年三月廿四日題記

內有華陰縣尉鄭曄世系表有之  
關中金石記

尉吳題名

石高一尺二寸廣五寸  
三行字數不等正書

寧遠將軍守左金吾衛口口軍試太常卿尉吳

元和元年正月廿日題

郭豐等題名

在華岳領碑左側表土淹下十行  
行六字七字八字不等左行正楷

華州司士叅軍郭豐

華陰縣丞李泂

華陰縣主簿姚鵬舉

華陰縣尉韓培

華陰縣尉苗華

華陰縣尉崔杙

門下典儀李誠明

元和元年七月十日同會於此 杙題



題內有門下典儀李誠明門下典儀者門下省屬官

也關中金  
石記

薛存等題名

石橫廣一尺九寸高八寸  
八行字數不等左行正書

司勳員外郎薛存

華陰縣令柳潤

華陰縣主簿裴袞

華陰縣尉杜文舉

前鄭縣丞韋殷

前華陰縣尉王沂

野客李口

元和四年九月十九日

右題名正書自左起按薛存下缺字當作誠舊唐書  
薛存誠傳裴垕作相用爲起居郎轉司勳員外與題  
名合柳澗附見韓愈傳云華州刺史閻濟美以公事  
停華陰令柳澗縣務俾攝篆居數月濟美罷郡出  
居公館澗遂諷百姓遮道索前年軍頓役直後刺史  
趙昌按得澗罪以聞貶房州司馬愈因使過華知其  
事以爲刺史相黨上疏理澗留中不下詔監察御史  
按驗得澗贓狀再貶澗封溪尉又皇甫湜韓文公神

金石錄卷之四  
道碑云華州刺史奏華陰令柳澗賊詔貶澗官澗任  
華陰坐貶始末如是然則澗之挾怨煽衆固黠吏所  
爲而刺史相黨必致之罪亦世情哉授堂金  
石成

協律郎李口等題名

石橫廣一尺一寸高七寸  
八行行八字左行正書

太常寺協律郎李口

華陰縣令崔蕤

華陰縣尉鄭公幹

華陰縣尉裴混

華陰縣尉陶洪

進士蘇莊

元和十年五月十二日 謁嶽

謁嶽廟題名殘石

石橫廣一尺二寸高五寸後有李朝式題名十一行行六字左行正書

前容府□□ 官試右衛□曹 參軍□□□ 鄉貢

進士□□ 慶□□華州 親省弟谷 京

元和十四年正月一日題

李朝式元和十四年正月十一日題

宗室世系表有容府經略推官李慶之容府經略使  
左庶子李景仁容府者即容州都督府也屬嶺南道

關中金  
石記

張常慶題名

在盧綸題名石之右二行  
行五字九字不等正書

判官張常慶

元和十五年七月七日

王璠題名

在盧綸題名石之右四行行  
七字八字不等左行正書

起居舍人賜緋魚袋王璠元和拾伍年口壹月貳拾陸

日口

使鎮州 宣慰口

右題名正書自左起文云起居舍人賜緋魚袋王璿  
舊唐書璿本傳元和中入朝爲監察御史再遷起居  
舍人副鄭覃宣慰于鎮州新唐書璿以起居舍人副鄭覃宣慰鎮州此題  
稱元和十五年與傅合而璿出使重鎮宜賜章服以  
寵其行傳失紀此事蓋從略也授堂金

### 裴穎題名

石橫廣一尺五寸高八寸七行  
行六字七字不等左行正書

長慶元口口口十三日朝散大夫行華陰縣令上柱國  
裴穎奉勾當再終中門屋至廿五日功畢

廟令張從本題

此行古篆書

又在虞綸題名石之左七行字數不  
等左行以無號年附錄於此正書

□□□□□□□□

□散大夫行華陰縣□□柱國裴穎

華陰縣丞薛仲歸

華陰縣主簿黎煉

華陰縣尉高懿

□□□

右題名正書自左起案宰相世系表東眷房裴穎衛尉卿駙馬都尉諸公主列傳齊國公主下嫁張瓘又嫁裴穎年代差遠當別爲一人南來吳房亦有穎官

左清道率府兵曹參軍或卽是題名者與

授堂金石跋

方叅等嶽祠題名

石高廣俱一尺二寸題名二段  
前五行行十六字左行正書

鐵  
執籩豆爲國討叛思契丹懇敬祭敬拜牢餽畢陳  
所期感通昭鑒不昧列旌旗於綠野羅冠劍於明庭  
共展禮容因以題記

大和二年八月廿八日

男守左驍衛倉曹參軍上柱國賜緋魚袋方叅侍從

朝覲

右題名正書自左起按此題執下字殘其半以名氏



度之似蕃將臣於唐者然無所徵實以致其迹惟叛

思契丹在新唐書列傳言太和開成間朝獻凡四然

天子惡其外附回鶻不復官爵渠長

舊唐書傳亦云元和長慶寶歷

太和開成時遣使來朝貢

則當大和二年必有叛附故遣將聲討

加以醜名曰叛思亦猶武后更號孫萬榮爲萬斬李

盡忠曰盡滅默啜爲斬噉也是討叛思契丹一事可

以補新舊書之闕蓋非細也

授堂金石跋

按爲國討叛

句

思契丹懇

句

契有勤合之義丹懇

猶言丹誠下云敬祭敬拜謂竭其勤懇丹誠以祭

拜也舊唐書文宗紀大和二年五月王廷湊出兵

侵鄰藩欲撓王師以援李同權昭義劉從諫請出  
軍討之七月甲辰詔宰臣集三署四品已上常參  
官議討王延湊可否九月甲午詔削奪王延湊在  
身官爵隣邑接界隨便進討新書紀八月己巳王  
延湊反是月甲寅朔則己巳爲十六日也今此題  
記在大和二年八月廿八日其時所云爲國討叛  
者正指王延湊事非契丹也北狄列傳歷叙契丹  
朝獻次數云大和開成間凡四並不言有叛附征  
討之事蓋授堂句讀偶誤耳

李璿題名

在焦鑊題名之右  
一行十五字正書

隴西李璿大和三年十一月十五日題

韋公式題名

石高一尺廣七寸共七  
行行十四字左行正書

口唱京兆府功曹前秘書郎韋公式 外甥鄭縣尉攝  
華陰縣主簿裴虔

右公式頃年佐理斯邑自後向逾一紀六變官曹今者  
慮以官成身有所繫奔馬到此追尋舊遊覽前題處豈  
勝口口

大和四年上元日題

石題名正書自左起案以後向逾一紀推之此題在  
大和四年前題當元和十二三年間矣官成以周禮  
鄭氏註謂官府之成事品式公式率爾留記蹇蹇不  
忘于此信非俗吏也

授堂金石跋

李虞仲題名

石橫廣一尺二寸高八寸  
共十行行九字左行正書

正議大夫使持節華州諸軍事守華州刺史 御史中

丞充潼關口口國軍等使上柱國口口開國男食邑

三口口口金魚袋李虞仲 大和四年七月十口

口 詔以立秋修祀 南都團練判官口口事

柳乘同來口口

虞仲李端之子唐書本傳虞仲字見之第進士宏詞  
累遷太常博士寶歷初以兵部郎中知制誥遷中書  
舍人出爲華州刺史歷吏部侍郎末有云判官事柳  
乘同來乘名又見懷素聖母帖後蓋以大理評事出  
判華州事也

關中金  
石記

右題名自左向右舊唐書列傳李虞仲大和四年出  
爲華州刺史兼御史大夫依題名乃爲中丞而非大  
夫至於勲上柱國爵開國男皆未之及立秋修祀華  
嶽以刺史攝祭亦禮儀志文所不具南都按之新唐

書地理志上元元年號南都爲府二年罷都是年又  
號南都尋罷都則江陵久不名都矣題名猶稱此者  
襲舊名也呂誼傳上言請於江陵置南都敕改荊州  
爲江陵府永平軍團練三千人以遏吳蜀之衝唐書  
傳南都置團練判官蓋由於此也  
投堂金石  
寶存辭等題名

石高九寸廣七寸五行行  
七字八字不等左行正書

口縣主簿寶存辭鄉貢進士馮耽開成二年四月存辭

請假赴洛耽 侍從祈口 缺

口庚題名

石後缺現存高廣俱五寸五行  
行五字六字不等左行正書

開成二年九月五日庚將赴京告辭 金天王遇遐於

此便同道 缺

李景讓題名

石橫廣一尺七寸高一尺  
十三行行字數不等正書

口口口史兼御史中丞李景讓

口監察御史裏行盧口季

前右龍武軍錄事叅口李映

口士劉灌

口口李景裕

□□盧燕

□□鄭繁

□士鄭穀

開成四年六月十九日

景讓字後己李愷之孫也唐書本傳稱景讓入爲尚書左丞至大中始進御史大夫劾免爲侍御史據此則開成時已爲此官也當是爲節度使時兼攝之官故史不記之耳

關中金  
石記

右題名新唐書列傳景讓寶歷初遷右拾遺以題名所題兼御史中丞此當由寶歷至開成十餘年官序



如此而史失載也景讓性好獎士類拔孤仄今附名  
如進士李灌凡五人從之遊覽亦其宏雅所致足爲

世勸也

投堂金石錄

陳商題名

石高一尺廣六寸六行行  
十字十二字不等正書

口門郎中史館修撰陳商會昌元年七月廿五日商祔  
召赴闕與盧溪處士鄧君蟠同題時口口口口口

商題後六年自禮部侍郎出鎮口陝又與鄧文使同來  
十月口口

此題云司門郎中史館修撰題後又有後六年商自

禮部侍郎出鎮分陝云云攷商以禮部侍郎主文以延英對見辭不稱旨改授王起卽其出鎮之事也見唐摭言唐書云商字述聖官至秘書監封許昌縣男

關中金  
石記

右題名正書自左起舊唐書宣宗紀會昌六年迎神主下百寮議皆言准故事無兩都俱置之禮惟禮部侍郎陳商議云周之文武有鎬洛二廟今兩都異廟可也然不宜置主於廟主宜依禮瘞於廟之北墉下今此題稱禮部侍郎出鎮陝者卽其人昌黎集荅陳商書時猶未第後元和九年進士第此於題名時致

通顯矣鄧支使不書名當爲鄧君蟠也百官志監察御史十五人凡十道巡按以判官二人爲佐務繁則

有支使

授堂金石跋

常侍□□祀獄廟殘詩

石高廣俱八寸七行行  
七字十字不等正書

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

□□□鬼神陪質明三獻雖終禮祈  
壽千年別上杯

豈是璣材口祀事宏農

太守主口來

常侍曾領此  
郡故有口句

會昌二年六月廿二日立秋

崔郇等題名

石高一尺廣八寸五行行  
十字十五字不等正書

正議大夫守京兆尹賜紫金魚袋崔郾 華州華陰縣

令崔宏會昌二年六月十六日郾自汝海將赴 闕庭

時與宏同謁 廟而遇

宰相世系表郾官至大理卿崔邠之弟郾之兄也

中

金石記

右題名自左起按郾見宰相世系表亦見權載之集  
崔陔神道碑曰郾今爲廷尉實當會昌元年是此題  
云守京兆尹蓋由廷尉擢是職也汝海卽汝州游宦  
紀聞稱坡公元豐七年自黃量移汝海蓋唐時已有

此名矣

授堂金石錄

崔慎由等題名

在封畧題名之右三行  
字數不等左行正書

殿中侍御史集賢殿直學士崔慎由

右補闕李當

鄉貢進士崔安潛

會昌五年二月八日同赴

慎由爲宣宗相寓尺東於所知必稱安潛故時人有  
王凝裴瓚舍弟安潛之語後亦位至侍中古人之升

沈後進若此

關中金  
石記

右題名正書自左起案慎由見新舊書傳當會昌五年並失錄其爲殿中侍御史集賢殿直學士安潛舊書本傳稱大中三年登進士第此在會昌五年固宜以鄉貢自題也

授堂金石跋

李口方題名

石高八寸廣四寸五分  
三行行八字左行正書

右議大夫李口方

大中元年三月 口口雨

按雍州金石記作李祁方今字已泐

楊漢公題名殘石

石殘缺僅高六寸廣五寸二行左行正書

錢  
中楊漢公

缺  
五月

漢公隨越公後裔字用父官至天平軍節度使檢校  
戶部尚書題稱其官爲給事中當在爲同州刺史之  
前唐書本傳不及之者略也

關中金  
石記

李貽孫祈雪題記

石橫廣一尺六寸高一尺五分七  
行行七字八字不等左行正書

左諫議大夫充宏文館學士判館事賜紫金魚袋李貽  
孫大中三年十二月八日奉制祈雪小男進士同吉

學究靜復從行

右題名大書自左起貽孫史不爲立傳予攷歐陽行  
周文集序爲貽孫所撰序云大和中爲福建團練副  
使大中六年又爲觀察使其前結銜特詳所記實爲  
福建等州都團練觀察處置等使正議大夫使持節  
都督福州諸軍事福州刺史兼御史中丞上柱國賜  
紫金魚袋以此題證之當大中三年嘗官于朝至六  
年任於外矣全唐詩話元賓終于四門助教李貽孫  
序其文元賓李觀也與行周同年進士早沒而貽孫  
于其遺集爲之表章如此廣川書跋鄧都宮陰真人



祠刻詩三章唐貞元中刺史李貽孫書蓋大中之前

又為刺史於忠州矣貞元中至大中越五六十餘年貽孫少致通顯至此已八十餘疑

貞元字尚有誤為附議于此貽孫好文喜奇於斯可想其為人而

題名當亦貽孫所自書故可寶也投字金石跋

按後又有大中五年七月廿七日李貽孫題云達

都國練觀察處置等使兼御史中丞則是貽孫之

任外不待六年矣

鄭復等題名

石高廣俱八寸五行行六字左行隸書

河東縣尉鄭復

臨晉縣令堯損

隴州參軍鄭孚

鄉貢進士盧璣

大中四年九月五日紀

損時爲臨晉縣令璣鄉貢進士宰相世系表損字慶

遠禮部尚書璣魏州刺史

關中金  
石記

李貽孫題名

石高八寸五分廣七寸六行行  
七字至九字不等左行正書

福建都團練觀察處置等使兼御史中丞李貽孫大中  
五年七月廿七日口鎮將男意承文蔚口復舍昭謁嶽

而退

于德晦等題名

在李虞仲題名之左三  
行字數不等左行正書

監察御史于德晦

口州鎮國軍判官試大理評事口口

大中六年三月廿四日同謁 金天

題名正書自左起新唐書宰相世系表德晦官同州

刺史其見於史者惟此而已長安志務本坊有左散

騎常侍于德晦宅

援堂金石跋

李植題名

石橫廣八寸高六寸五行行  
五字至化字不等左行正書

侍御史內供奉李植大中十一年十一月十三日自浙

右赴闕

李嶺祈雪題名

石橫廣一尺九寸高八寸  
五分四行字數不等正書

左諫議大夫賜緋魚袋李嶺咸通元年十二月廿九日

奉恩命祈雪

許瓊等題名

在方參題名之左四行  
字數不等左行正書

鄭縣丞攝尉許瓊

宇文珪

華陰縣尉薛殷圖

咸通十一年十月十七日題

司空圖獄廟殘詩

在益泰益昌等題名之後二行行七字正書

岳前大旆討淮西

從此中原息戰聲

唐摭言云裴晉公赴敵淮西題名岳廟之闌門大順中戶部侍郎司空圖以一絕紀之曰獄前大隊赴淮西從此中原息戰聲石關莫教苦辭上分明認取晉

公題今此詩只存首二句作獄前大旆討淮西則有  
二字異矣圖書世所罕見則此十四字可寶也

關中金石記

右詩存者惟有岳前大旆討淮西從此中原息戰  
二句按此爲司空圖視晉公赴敵淮西題名紀之一  
絕也晉公題名亡佚不可見今詩石又斷下二句矣  
說見王定保唐摭言又全唐詩話亦載此詩云大順  
中戶部侍郎司空圖紀者然則題詩年代猶可攷也

授堂金石錄

嚴口題名

石橫廣一尺七寸高九寸  
行數不辨每行五字正書

監察御史裏行嚴口乙卯歲八月庚寅奉使東周展敬  
按乙卯爲昭宗乾寧二年八月乙酉朔庚寅是初  
六日也

崔恭伯等題名

石殘缺存高一尺廣七寸五  
分三行字數不等左行正書

河南府參軍崔恭伯

華州參軍韋口

安邑縣尉 缺

李境等題名

石高八寸五分廣四寸三行行六字正書

下邳縣丞李境

進士李賞

進士李口

趙宗儒等題名

在華岳頌碑右側顏魯公題名下四行行七字九字不等正書

宏文館校書郎趙宗儒

義陽府左果毅丁希口

前鄭縣主簿李益

三人同謁



唐有兩李益一宰相揆族官禮部尚書一官太子庶  
子此未知孰是

穆準等題名

在華岳額碑右側下截趙宗儒題名  
之右四行行三字四字不等正書

前潞府叅軍穆準

懷州口嘉縣尉穆戒

裴賁等題名

在昭應碑右李休光  
題額之側一行隸書

朝議郎行華陰縣令裴賁 丞柳升 主簿霍晃

按華嶽題名共得搨本七十二段皆分刻于華嶽

頌碑述聖頌碑精享昭應碑告華嶽文碑之左右  
凡姓名三百餘人其有事蹟可攷者分記於各段  
之後茲不更贅計始自開元二十三年迄于唐末  
各段俱總附于鄭虔題名之後不復析出分年件  
繫俾覽者連類及之便於詳檢猶聖教序皆嶽觀  
碑隨羅尼經幢之例也

金石萃編卷八十終

金石萃編卷八十一

賜進士出身 誥授光祿大夫刑部右侍郎加七級王昶撰

唐 四十一

北嶽神廟碑

喪本高四尺寸行字皆不計隸書在曲陽縣北嶽廟

大唐北嶽廟聖之碑并序

陳州長史鄭子春書

博陵崔銀錢

安喜縣尉李述篆

夫清明著象廣大成形聖人則之作紀資始列於五嶽

視曰三公率由典常靡不崇療維厥恒岫口爲首稱故  
知碣石太行萬里延袤關聳河嶺盤薄海隅畢卵降其  
精涑易疎其浸設險以分中外通氣以出雲雷非陰陽  
不測之神其孰能與於此也爾其峯嶸星聯草樹烟鬱  
靈僊表其窟宅珍怪產其高深感通應見必契誠德藏  
珎者知將亡之兆制勝者効率然之奇龍蛇羽毛安可  
詳悉幽贊設教神道有歸登臨極目如批諸掌其陰則  
常溪廣武林胡樓煩其陽則燕趙股衛面河汧雒自冀  
州旣載惟彼陶唐隄封庶品波委霧合財力豪贍貨殖  
繁滋遺風祠宇歸然無易敬神綏福不孤德降歆類誕

靈安可勝紀定人繫悔陳迹昭然易知簡能可大可久  
且收藏曰義生長曰仁仁義所攝祈禱如叩有年登稅  
穰穰滿家和平是恃不生災咎 我唐列聖重光再

造區宇邦本胥悅俊人用彰天工所代無非淑哲惟良  
其此枝賢責成彼美循吏其猶鍾武自昇中檢玉再展  
岱宗方岳省巡躬行未給今之故事牧守是遵敬遠之  
規載在王府使持節刺史段公字崇簡學古入官政貴  
清靜人荷其惠吏懾其威博考前聞肅肅明祀每躬行  
奠享愷悌不忘聖之所勞必在君子夫爲設靈宇辟容  
凝湛未施敬而自敬不有威而自威而簷廡階闥尙多

湫隘未增閑敞折衷有虧長松靡柏逕隧鶴鶴公乃審  
面勢規曲直延觀宇劃垣墉高閑閤通口術周覽彌望  
列樹豐碑容衛森蘿藻繪彪駁納日月於局牖駐雲物  
於軒楹光色焜煌爛如貝錦不費財力而忽贈不徵力  
役而自成求諸志誠不亦其助先是冀方遐邇溥獲元  
吉初求後報其徒寔繁如口如流委輸所積物無遺乏  
人不勦勞易於從事百姓無擾商農工賈孚信不遺休  
徵允集是依是賴自口口逆命多歷歲季推亡固存  
天心獨留適口大使輔弼大將軍左羽林衛大將軍幽  
府長史兼御史大夫經略軍支度營田節度副大使兼

知河北道採訪使南陽郡開國公張守珪分闕董戎假  
節專制抗稜運榮兇渠喪元屈人不戰種落夷謐初有  
高陽人田登封於此祈福神君降形而謂之曰吾方助  
順取彼殘孽殄殲元惡懸諸藁街果如其期止暴寧亂  
兵不血刃野不噪骸乃聖乃神爾贊斯在雖霍山之祐  
無恤新城之見申生以此寄言曾何等級由是龍眉耆  
老皤皤然被黃髮者相率而言曰某等上從祖恩下及  
孫謀百有餘年沐浴 皇倪鼓腹擊壤廣歌太平今  
屬牧守仁明正身率下我有枳棘岑公不伐而自除管  
無襦袴廉叔聿來而稱足別駕符子珪長史高元奉司



馬李夔等成輔通忠益克表緹袖詢謀公道實毗方獄  
况乎廣運不測幽明協味謀無遺策人不勞止刊石紀  
事不亦宜乎子春才愧色絲學非博物課虛杼軸敢讓  
當仁詞曰

巍巍巨鎮幽都是託上接蒼旻傍分寥廓併吞冀野抗

倚沙漠華夷險界隔閼斯作

其式

凡所敬遺必惟鬼神

代昭祀典大庇烝人奇慝無作政教日新不孤其德必

有其隣

其式

水火金木配神作主允茲岳靈實司朔土

東生南長西成北聚層庫閉藏爰及垣庚

其式

五載肆

觀今古有殊豐約異軌禮物分區明德無替潔粢不淪

神理昭晰感應冥符

其四

昇中告禪名山有五禮亦從

宜何必循古率先岱宗望秩周普精壹無差允膺福祐

其五

隨時珍薦必俟王言或降卿士或命司存執禮必

備恭惟駿奔式禋明德荷畀乾坤

其六

我皇立極阜俗

寧亂賢才是呂凶族咸竄蕞爾林胡假息離叛賊魁無

脅人望協贊

其七

疇咨牧守口獲我公既敷惠澤亦扇

仁風有菁斯廟陋彼前功隘狹增廣驅廊傍通

其八

庭

庶遂敞容衛彌飾績事後素昭彰歛輅工無遺巧人不

勞力垣墉徑隧內方外直

其九

門閤高聳豐碑列樹相

質匪工受辛寧喻小子何讓敢忘景慕紀功書實恢

我王度

其十

檢校官錄事史歸宗

專知官恒陽主簿郝英質

碑鄭子春撰崔銀書銀無書名此碑分隸道遠真當  
韓蔡雁行而無樹碑年月攷其時張守珪鎮幽州當  
在開元之末耳諸家無錄者何也

石墨  
錯華

神字作𠂔下從旦禮記郊特牲所以交於旦明之義  
也鄭康成曰旦當爲神篆字之誤也莊子有且宅而  
情死亦讀爲神昔之傳書者遺其上半因誤爲且耳  
畢卵乃是昴字省日作單卵已異又加一點用爲胎

卯之卯豈古人卯卯通用歟金史有斜卯氏本竝作  
卯而潞州五龍祠明昌癸丑祈晴碑有上黨尉斜卯  
溫玉竟作夕旁从月與此碑畢卯之卯同碑陰紀段  
使君德政崔鑲撰并八分書

金石文  
字記

右碑陰紀段公德政崔鑲八分書段公者前碑字而  
不名此云諱惜字從簡也顧炎武金石文字記無年  
月可考者以此碑爲首予按碑陰後云我唐二年歲  
次乙亥閏十一月壬午朔廿二日癸卯建高宗上元  
二年乙亥無閏月志云開元二十三年閏十一月朔  
壬午食斗南十一度合朔與此碑同是年明皇欲相

張守珪而張九齡曰宰相非賞功之官前碑極言守珪平定之功立碑應在此時決非上元可知所謂二年者爲唐歷第二次之乙亥也文人好作隱語故上無紀元或前碑已有開元年月而殘泐也顧氏考據最詳何未及此

金石錄補

碑首列陳州長史鄭子春纂博陵崔鑲書安喜縣尉李逖篆後列張守珪唐書守珪本傳徙幽州長史河北節度副大使俄加採訪處置等使二十三年入見天子加輔國大將軍右羽林大將軍以碑証之當作左羽林又開國南陽已列公爵史皆失書傳稱幽州

碑作幽府幽州爲大都督府二名亦可通也經畧軍  
在幽州城內支度營田攷舊唐書職官志凡天下邊  
軍有支度使以計軍資糧仗之用每歲所費皆申度  
支會計以長行旨爲準劉全諒傳授容奴柳城郡太  
守攝御史大夫平盧節度支度營田李希烈傳加御  
史大夫充淮西支度營田觀察使李自長傳河東節  
度支度營田觀察使嚴綬傳充河東節度支度營田  
觀察處置等使今守珪所領亦猶是也世多混以支  
度同于度支故附著之碑又載高陽人田登封於此  
祈禱神君降形而謂之曰吾方助順取彼殘孽殄殲

元惡懸諸藁街云云傳稱守珪次紫蒙川大閱軍實  
賞將士傳屈刺突于首于東都卽指其事而神君降  
形之言史不具錄以其涉妄也 下載載屬吏名其  
詞亦用駢體屬頌不具錄名之可見者別駕符子珪  
轉金州刺史長史高元奉司馬李復錄事叅軍崔曠  
范光烈司功叅軍李真司倉叅軍呼延傑尹光暉司  
戶叅軍崔曠陽楚容車元福司兵叅軍張景運司法  
叅軍梁恁張嗣臣攝官義豐縣尉宋季敷司士叅軍  
李鎮羣望叅軍盧邕龐涉王琬李孚博士宋殷禮錄  
事史歸宗梁明禮市令張知什恒陽縣令裴延祐丞

李免主簿郝英質尉王嶠尉夏侯庭玉嶽令牛懷貴

按此皆定州刺史所屬吏也定州爲上州証之舊唐

書職官志別駕長史司馬錄事參軍事各一人相符

而碑不載錄事三人

唐書百官志錄事二人

司功司倉司戶司

兵司法司士六曹參軍事各一人

百官志司戶參軍事二人司法參軍

事二人又多司田參軍事一人

而碑於倉曹有二人戶曹有三人兵

曹有二人經學博士醫學博士各一人

百官志醫學博士一人

而碑惟載博士一人亦不言其何屬蓋官制更張改

併因時權事而不齊一雖兩史所收亦不備矣碑不

列司田參軍定非屯田之州不置營田使故司田無



所置也諸曹叅軍不作叅軍事省文也李襲見所題  
恒嶽農望有懷詩稱爲定州司馬與此碑合而詩云  
景福如光願私門當復侯然則襲先世固有封爵旣  
失而祈祐於神其可推見又如此 碑陰第一層紀  
段使君德政是爲博陵崔瓌詞並書及篆其石斷裂  
一文微有不屬而字尙完具首序段公諱愔字崇簡五  
代祖榮字子茂後魏十遷都督一拜尙書二統將軍  
六爲刺史儀同三司食邑八百戶追贈左僕射大尉  
公武威王謚曰景配享高祖四代祖詔字孝先魏驃  
騎大將軍尙書右僕射以功封平原郡王曰司徒大

將軍尙書令增邑二千戶領太子太師除大司馬錄  
尙書事謚曰忠武曾王父濟字德堪歷仕齊周隋並  
口開府儀同三司大將軍相繼五州刺史齊封上郡  
王謚曰貞王父乾字寶元唐刑部郎中遷給事中刑  
部侍郎尙書左右丞洛州刺史建都授洛州長史烈  
考嗣皇韓王府功曹潤州司士滄州東光縣令按榮  
韶濟史並有傳齊書稱榮授鎮北將軍定州刺史轉  
授瀛州綏行相州後爲濟州轉行秦州凡五爲刺史北史則云  
由定瀛二州等歷相濟秦是碑所紀六爲刺史較二  
史多書一州二史俱言謚曰昭景碑惟著謚曰景此

又爲少異韶歷官北史傳與碑合其封平原郡王而齊書本傳亦稱爲平原郡王濟字德堪齊書稱韶第七子德堪而漏其名北史又稱亮字德堪名亦與碑異至爲五州刺史與封王及謚二史皆未之錄碑所據當本其家牒書宜詳審於史也惜居官以碑証之大聖天后封中告成公以閎清高才貌兼秀調魏州叅軍轉蜀州司法岐州司兵華陰奉天二縣令轉少府口監原州刺史京兆少尹定州刺史上柱國兼北平軍使而頌詞所紀微爲溢美矣碑殘剝失其年代按碑陽載張守珪加輔威大將軍左羽林大將軍在

開元二十三年今碑我唐下闕尙有一年歲次乙亥  
閏十一月壬午朔二十三日癸卯建字則碑之立即  
開元二十三年也金石文字刻列入無年月蓋失攷  
也

授堂金  
石跋

按此碑失塌碑陰但據碑陽錄之前題神廟之神

字

文中亦  
有二處

用古文作豐其字从丌从旬从旦顧氏

但引郊特牲且明之義鄭注謂且當爲神篆字之  
誤而未解其所从之義竊謂古文亦有六書可說  
者从丌卽示之省从旬从且者交于神明皆貴質  
明行事儀禮宗人曰且明行事主人曰諾乃退注

旦明旦日質明也周禮春官大宗伯帥執事而卜  
日肆師凡祭祀之下日宿爲期詔相其禮注曰宿  
先卜祭之夕疏曰卜日宿爲期則是卜前之夕與  
卜者及諸執事者以明旦爲期也又禮曲禮凡卜  
筮日旬之外曰遠某日旬之內曰近某日此从旬  
从且之義蓋皆主祭祀交神明爲言會意也文云  
畢卵降其精卵卽昴字省日作卵而右从口加點  
者日本音節卽小篆𠂔字隸作日徐鉉曰日象半  
分之形唐人書隸不諳六書不知卵本作卵象開  
門之形省作卵與从口音者義別碑遂誤从口而

又誤加點从月也然碑祇右旁从月左旁並不从  
月又與胎卯字不同顧氏之說亦誤也文又云冀  
方遐邇委輸斯積商農工賈孚信不遺云云舊唐  
書張嘉貞傳嘉貞官定州刺史至州於恒嶽廟中  
立頌嘉貞自爲其文乃書于石嶽祠爲遠近祈賽  
有錢數百萬嘉貞以爲頌文之功納其數萬此碑  
所言委輸斯積與嘉貞傳語合也嘉貞撰北岳恒  
山祠碑已見前卷文又云自口口逆命多歷歲年  
逆命上泐二字以兩唐書張守珪傳考之乃契丹  
也守珪傳云二十一年轉幽州長史加河北採訪

處置使先是契丹及奚連年爲邊患後契丹別帥  
李遇折與可突于爭權不叶盡誅其黨率餘衆以  
降守珪因出師次于紫蒙川傳屈刺可突于等首  
于東都梟于天津橋之南二十三年春守珪詣東  
都獻捷遂拜守珪爲輔國大將軍右羽林大將軍  
兼御史大夫碑下文所謂分闕董戎假節專制抗  
稜運策兇渠喪元屈人不戰種落夷謐者正指其  
事後又載神君降形之語因以幽贊之功歸于北  
嶽而立此碑碑多書古文豐字之外如節度之度  
作庀皇化之化作億敬遠之遠作遠皆是惟森

作森羅借用字期土作朝土別體也

牛氏像龕碑

碑甚殘缺現存二十行行二十六字高廣不計隸書  
額題隸西縣君牛氏像龕碑九字行書前有銜名一  
行正書  
在洛陽

□□□□□像銘 并序

□部員外郎張九齡□

粵若稽古有釋迦如來示滅雙林常在三□□能□□

□□□□□<sub>下闕</sub>據多所康濟天水趙氏之七子者若人

有□極□□□□□□□□<sub>下闕</sub>先妣作禮導師心不可

以卽空事不可□□□□□□□□<sub>下闕</sub>慈作爲應身生未





曰頤貞曰彙貞□□□□□□□□歷□交汾陰□

□□□□<sub>闕下</sub>監察御史未□屬□□□河□□□□

于□吏公之懿親□□□<sub>闕下</sub>不調終於檀州錄□□軍

事夫人□□□直而敏喜愠如一道心□<sub>闕下</sub>然內訓垂

裕初府君之沒也長子方冠少男未髻趙□□□

□<sub>闕下</sub>以禮蘭玉竝秀□□□□□□□□在堂已六子從

政□□□而不遠<sub>闕下</sub>□□風樹忽驚□□□□□□

□□□載宏□□□□□□□□<sub>闕下</sub>豈其<sub>闕下</sub>

□爾<sub>闕下</sub>興佛是□<sub>闕下</sub>

金石錄有龍門西龕石象記張九齡撰八分書開元

中立當卽此碑碑云口寇牛父厥後有晉將軍口金  
金下缺按宰相世系表云牛氏出自子姓宋微子之  
後司寇牛父子孫以王父字爲氏漢有牛邯爲護羌  
校尉因居隴西後徙安定再徙鶉觚安定牛氏出自  
漢隴主簿崇之後而獨不及晉牛金此可補史之缺  
云攻晉龜以洞啓龜從龍省龜汙簡以龜爲龍本此  
也

中州金  
石託

龐履溫碑

裴本高廣行字皆不計隸書額題大唐元氏縣  
令龐君清德之碑十二字篆書在元氏縣西寺  
前鹿泉縣令邵混之篆

蔡有蘭書

我國家再誓山河重懸日月明罰飭法嚴名實之故典  
考績宜力甄象魏之舊章 皇道煥炳而口口 帝載  
緝熙而日用德惟善政政在養人若令長子男銅章墨  
綬而尤善最者可屈指而知宜父中都太公灌邑童恢  
責猷卓茂遷煌男女別途鬼神息暴以今方古君何讓  
焉君姓龐氏名履溫字若水南安人也其先齊逢伯陵  
之裔曾祖卿暉元勲左命功臣第壹等左武侯大將軍  
封口國公食實封四百戶贈幽平燕易媯檀等六州諸  
軍事幽州刺史謚曰肅穆數雖改雲雷尙屯披荊棘者

馮吳佐元功者蕭鄧將盟帶礪畫象雲臺圖兼衛霍之  
容仕遂漢光之顧瞻庸賞懋食邑論封祖同福并州大  
都督府司馬饒州刺史左衛將軍安北都護口揆望殷  
銜殊寄重匪親不擇非賢勿屈皂蓋南臨尋振喬卿之  
譽紅旌口卷式標鄭吉之能考口訓通事舍人鄭州司  
馬贊善大夫率更令將作少監辭令抑揚 綸鳳述

旨顯輿叶詠展曠治中洪洞口樟允供於邦造激揚少  
口口口於口山君純德天資大材靈降龍章鳳彩疑脂  
點漆出忠入孝遊藝依仁荒蕪四壁寥廓千丈代陪豐  
沛親預葭莖異鱗翰之口口風雲之會漢表有外戚恩

澤周詩有申伯口口口家補昭文生從勲閔也長安二  
年明經擢第捧宣州叅軍尋授莫州司功叅軍事秩滿  
丁二親憂痛瘁塋枝哀酸隣社往而不返杖而後行襁  
褓一年甫從常調開元十九年春會府遂拜公爲此縣  
令魯子臯之爲政禮變口人漢原涉之舉能威行谷口  
庶矣富矣又口加焉導之齊之非君莫可君有善政者  
七風雹成口於屬城樹稼獨滋於元氏其政一也口口  
陽光口口陰液乖旬苗慮騰興人或狼顧公罄奠珪幣  
稽顙壇場俄而油雲四周膏雨百里其政二也開土苗  
畝用口分地勸東作而播稼課西成之銍斂躬臨樹藝

親載酒醪故使夏農服田秋得其實其政三也詢知疾苦所患虛丁撫狀上陳應時申削籍無口稅人獲息肩其政四也修職奉符不爲進越下有鬱滯必掣肘諭言每課田租時臨調賦寬爲口約會無再輸其政五也此地俗多僞伎踰躡彈絃素曰難持更承口施公整其術策譏其權豪輒去害羣悛心斂蹟其政六也先縣館宅湫漏與百姓雜居公薄責人脩先抽己俸雖與慮始而可以樂成其政七也是以廉平稱職西河知魯衛之風清儉當官南土變夷齊之俗可大可久是謂賢人之德惟幾惟深以成天下之務公儀如繪畫神若轉規聲以

聞於震雷用無待於周月惠如春露吏人不能窺喜恨  
之容結若冬冰貨殖不能動首陽之行蓄霜鐘於絳府  
有威必通樓月鏡於懸臺扇形皆照邑老謝虔祐等竝  
鄉庭積善掾吏安排行義以達其道隱居以求其志相  
與族談城府錯立康庄裏德匪舒宜風技癢或叫帝  
閭而抒美或邀使駕而論功衆志口誠如寒附火於是  
國徽翠署託懿金聲其詞曰

清風汎濫兮其來溥茂宰馳能兮超卓魯難犬相聞兮  
人安堵一同仰之兮如父母臨誼謠兮詢疾苦踰屬城  
兮光趙部趙口遺風兮多懶伎君子爲之屏姦僞化澆



浮方鋸以義邑口口方市無二政勝殘方仍博施如水  
火方時不匱刊石鑄金方遺傳懿直爲口良方守名器  
開元二十四年歲在困敦律中夾鍾口口建

前縣錄事謝積善

按此碑是麗履溫官元氏令邑老謝虔祐等立石  
以頌德政也撰文者前鹿泉令邵混之無攷書者  
蔡有鄰不署其官兩唐書亦無傳書史會要云有  
鄰濟陽人漢左中郎將邕十八代孫官至右衛率  
府兵曹參軍工八分隸古錄但稱其爲苑咸書小  
字與三代器銘何異廣川書跋亦但云有鄰書見

于世者惟尉遲迴廟頌與盧舍那佛像記書法勁  
險當與鴻都石經相繼而皆不述及此碑可知此  
碑之不顯于世久矣碑云君姓龐氏南安人也其  
先齊逢伯陵之裔南安郡縣舊名有二處一在漢  
之犍爲郡有南安縣見漢書地理志北周改嘉州  
平羌郡置平羌縣隋改龍游縣唐因之一在漢之  
梓潼縣地宋置南安郡齊置南安縣梁因之西魏  
改始州普安郡仍名南安縣隋仍普安郡改普安  
縣唐改劍州仍名普安縣並屬劍南道也廣韻龐  
姓出南安南陽二望碑云南安著其望也而不詳

其何屬通志氏族畧龐姓以鄉爲氏周文王子畢  
公高之後其支庶封于龐因以爲氏此碑云齊逢  
伯陵之裔左傳有逢伯陵因之注逢伯陵殷諸侯  
左傳又云齊有逢丑父碑蓋合逢伯陵逢丑父而  
總謂之齊逢伯陵也逢伯陵之逢左傳讀符容切  
逢丑父之逢廣韻入四江與龐同音則似龐逢同  
系矣碑下云曾祖卿憚祖同福考口訓祖父史俱  
無傳卿憚兩唐書附劉文靜傳云并州太原人從  
太宗討隱太子有功累拜右驍衛將軍封邾國公  
尋卒追封濮國公子同善官至右金吾大將軍同

善子承宗開元初爲太子賓客據此知南安爲厲氏之望而履溫里實判爲太原人矣卿憚從玄宗有功碑故云元勳佐命功臣第一等而官爲左武候大將軍與傳不同碑泐其封國據傳爲知碑不書追封漢國傳不書贈幽州刺史蓋曰肅皆彼此互有詳略傳但載卿憚子同善同善子承宗而不書同福及其子口訓然因是知卿憚有二子也碑云君起家補昭文生從勳闕也昭文館本宏文館新唐書百官志神龍元年改昭文以避孝敬皇帝名二年改修文景雲中復爲昭文開元七年曰宏

文碑稱履溫長安二年明經擢第其補昭文生在  
長安以前神龍在長安之後豈宏文之改昭文不  
始於神龍耶孝敬皇帝之立爲皇太子在顯慶元  
年其薨在上元二年或先已諱之未可知也六典  
載宏文館學生三十人皆勳戚子孫及文武職事  
五品以上子入館學書兼肄業授經授史准試貢  
舉此履溫所以從勳閥先補昭文生而後明經擢  
第也碑書履溫令元氏有七善政一樹稼不受風  
雹所傷二旱禱得雨三載酒勸農四削除虛丁五  
租賦寬約六權豪斂跡七拙奉建館宅而其貨祇

重農恤民兩事而已開元二十四年歲在丙子故  
云因敦律中夾鍾則二月也碑書佐命作左命佐  
左通用素日難持當是難治避高宗諱作持猶治  
書侍御史作持書也

鄭曾碑

碑連額高一丈六寸八分廣四尺四寸二十三行行  
五十四字隸書額題唐故慈州刺史光祿少卿鄭公碑  
十二字篆  
書在榮澤

大唐故慈州刺史口光祿少卿榮澤

下

塋鬱之地口口口口也觀光之文口口口口口口

口口口口口口口口口口口口衣冠之祚口口口口

□□□□鄭公之謂焉公諱會字景參滎陽開封人也  
昨主命氏則本□□□□□□盛□□□□□□  
□□□□則子□勤於京師奔葉□□□名不隕烈祖  
揭隋尙書右丞聘陳使永安侯大父嗣元唐通事□□  
□□明淑考九思□□豐城縣令□茲純嘏□□昭□  
懿□□世□公上承丕緒□毓累業初孩鐘隴西太夫  
人喪及觀號嘔殆至□絕□□□□性孝□根□□登  
□□□□爲□名以紀其異少而遊藝長蓄屬文□□  
□□高第寧州羅川欽州資陽縣尉施千吏道峻以清  
節□□□□窮憂泣□過禮□□□□數感容若不

勝哀服闋授博州聊城□州□□縣丞每在公家必  
被誠績遷□州黎陽滄州鹽山縣令莅兩邑懷斯人□  
□□化政□□改□州□事□□□□肅之道無  
言□□□□壹之規不令而知信禁暴撫瘠貽惠樹風  
□□□□俗不忘矣河南尹李公□□□□之□□□  
□□□於是□以□使功□勦□□□□成不□繁  
吏人建碑表□□□□□□□□降

璽書加朝散大夫懷州□□□□□□□□刺史  
□□□□州閭□理興務人□發明典制糾剔瑕慝酌  
之□□□□□□布□悌以□其情敷靈辭以導



其□□清而□□□□而□忍下□□□□□□□□  
□□□最命不以維祺而移疾還□□□□□□□□  
□□春祿七十有三□歲也歸葬公于榮□北原夫人  
黃皇□君李氏□□□□□□□□德□公□□耐焉□  
也公體□□□□□□□□□□□□學含章以挺辭隴  
藉風裁周旋猶式凡□朋執洎於寮吏□□□□□□  
不□□□□□□□□□□□□□□□□□□□□□□  
□□□□□□□□□□□□□□□□□□□□□□□□  
其分道無不治福著而應德□而彰□有□□之法潛  
流之長高門積慶繼□□□□□□□□□□□□者也長日

長裕國子司業門量貞密直方周慎名高雅望學大精  
微次子□□歷□部郎中中書舍人鴻臚太常□少卿  
□□□侍郎□□薛伯器標公輔珪璋之特秀鉉翼之  
良材粵十有七載□□□□□

駕謁於

園陵□□□□□□□□□泉壤

制以清官五品已上父母追崇爵位府君贈光祿□卿  
夫人贈趙郡□□□□□飾□□□重慰灋河之列此  
□□□□□□□著歆父吹□□□□□□□繼志  
松楸□茂□傳相□□□□□□□永□□□□□昇  
卿□□

禁掖接待

□墀□□

之□□□碑□□□言非變豈逮辭林之旨學古□□  
□□□□作□殿前烈□鐘遺芬其銘曰

懿二惟公承國於鄭門閥濟□軒裳表盛□□□□  
□□性□學□□清方允正□以從吏歷職樹聲□□  
□□□□維□□政□□作藩扞城化俾有程人胥用  
寧謂我晉域聿來□□□□□□有翼□□□□  
□□□□□□福二子□□  
皇恩贈寵神道  
榮哀上延海署下感泉臺□□□□□□令□□  
□□□□□

開元廿四年歲在景□□□□□□□□景□建

□□□刻字

慈州刺史光祿卿鄭會碑開元二十四年五月立梁  
升卿撰并隸書篆額碑缺書撰人名据寶刻類編知  
之金石略云未詳卽此也碑云會字景參滎陽開封  
人也烈祖攜隨尚書右丞聘陳使永安侯大父嗣元  
唐通事閣下考九思洪州豐城口按宰相世系表會慈  
州刺史正與此同父九思流水令會祖攜後周行臺  
左丞尙是官位之異耳祖弼誠解令則與碑大異作  
世系表時當有鄭氏族譜爲据何至錯誤如此不有  
此碑則會之大父非實矣据世系表則攜爲會祖而

碑云烈祖似是遠稱疑中脫嗣元一代也云及觀號  
嘯出道經云終日號而嗌不嘯然嘯字說文所無惟  
陸德明釋文本老子作嘯一邁反氣逆也又於介反  
下又云當作噫是亦知爲無此字唐傅奕校定老子  
古本篇作歎注於油切氣逆也說文又無歎字玉篇  
嘯於求切引老子曰終日號而不嘯嘯氣逆也据此  
乃知嘯卽嘯字之誤是碑書於開元時僅据陸氏通  
行之本未見傳本耳傳本今存道藏中與玉篇音邁  
合知其說之有本矣梁昇卿見新唐書韋抗傳云淺  
學工書于八分尤工歷廣州都督嘗書東封朝覲碑

爲時絕筆又御史臺精舍記亦其所書也又檢全唐詩有奉和聖製荅張說扈從南出雀鼠谷詩一首

中石

州金記

按碑多泐字鄭會兩唐書無傳碑云公諱曾字景參下文云初孩鐘隴西太夫人喪及觀號嘔殆至性孝爲口名以紀其實此命名之義爲紀其孝也然則命名在孩提居喪之後矣碑又云烈祖撫隋尙書右丞聘陳使永安侯大父嗣元唐通事下考九思豐城令宰相世系表曾祖撫後周行臺左丞祖弼誠父九思疏水令而不載嗣元官位亦與

碑不同碑言攝在隋時爲聘陳使隋本紀自開皇  
三年二月陳遣使來聘之後至閏十二月遣曾令  
則魏遣使于陳自是逐年皆有報聘之使凡報聘  
使副不過二人四年十一月遣薛道衡豆盧實五  
年九月遣李若崔君謨六年八月遣裴彥劉顥七  
年四月遣楊同崔儼八年三月遣程尙賢韋惲自  
是遂下詔伐陳至九年三月平陳矣歷次聘使中  
無鄭攝姓名世系表以攝仕于後周檢周紀自武  
帝保定元年六月遣殷不害等使于陳自使陳逐  
年遣使來聘而報使無聞至建德三年十月始遣

楊尙希盧植至宣帝嗣位之初卽命將帥聚伐陳  
不復遣使亦不見有鄭瑒姓名或者殷不害等其  
中有鄭瑒爲副未可知也然碑實在隋時不能臆  
揣爲周卽以隋論瑒之聘陳祇在開皇年間自開  
皇至開元廿四年立碑之歲約一百四十餘年以  
三十年一世計之則瑒爲會之高祖理所應有碑  
故不云曾祖而云烈祖世系表失書嗣元一代其  
迹顯然中州金石記疑之是也至碑云號瓊殆至  
中州金石記謂本于老子終日號而嗑不瓊又据  
傅奕校定古本老子瓊作歎又證以玉篇引老子



作終日號而不嘔以爲嘔卽嘔字之誤然元宗御  
注道德經石刻在開元廿六年其書經文實是終  
日號而不嘔和之至注云赤子終日啼號而聲不  
嘶嘔和之至口之令和也雖據陸氏通行之本玩  
其文義嘶嘔主聲而不主氣故廣韻云嘔聲敗玉  
篇云嘔聲破與元宗御注老子合廣韻歌氣逆玉  
篇歌逆氣集韻歌歌歌嘔也一曰氣逆而引老子  
終日號而不歌爲證又于嘔云氣逆也或作噎是  
集韻始以嘔爲氣逆以老子爲終日號而不歌不  
但與御書老子不同且與玉篇廣韻俱不同又廣

韻以嘔爲歌嘔歎集韻以嘔爲歌歎嘔字異而音  
義同總不與嘔同音義又玉篇引老子作終日號  
而不嘔集韻引老子作終日號而不歎傳奕以作  
歎者爲古本老子兩唐書志老子無古本之名惟  
汗簡有古老子列于書目檢其欠部無古老子歎  
字之文則傳本之作歎以爲古本老子者似亦未  
可徵信頗疑古文夏字作𡗗與篆文憂之作𡗗者  
形相似此碑書嘔字作嘔右旁夏字頗合古文之  
體當時古本流傳或誤認爲嘔又輾轉傳譌誤作  
歎字以致玉篇集韻各引老子不同詳玩碑文號

金匱要略卷八十一  
嗷殆至亦當解爲號哭失聲似不主號哭氣逆益  
赤子初孩號哭其常也失聲其變也若必氣逆則  
非初孩所能支矣碑云鐘隴西太夫人喪鐘卽鍾  
字廣韻云鍾當也碑謂當母喪也世系表云曾慈  
州刺史與碑題合碑云缺泐不知官慈州在何年  
後有聖書加朝散大夫懷州下刺史此懷州不知  
與慈州孰先孰後也曾卒後贈光祿少卿則表所  
不書

### 大智禪師碑銘

碑高八尺五寸三分廣四尺七寸三十二  
行行六十一字隸書篆額在西安府學

大唐故大智禪師碑銘并序

中書侍郎嚴挺之撰

右羽林軍錄事參軍集賢院待制兼按理史惟則

書并篆額

夫聖人以仁德育物者則隨泉潛應而湧嘉禾不播而  
植神功以不宰寧運者則齊宗會境而立正法由因而  
銷然則有靈尤荅爰九嚮而式叙無爲克成超萬爲而  
登濟暨

今上文明大開淨業溥福利真慈  
之澤闢權智衆善之門精求覺藏汲引僧寶往必與親  
念則隨應張皇通達之路騰演元亨之衢者其惟我大

智禪師乎禪師諱義福上黨銅鞮人也俗姓姜氏朶本  
於齊官因於潞載鴻休於邦諫踐貞軌於家範曾祖鷹  
門令大父烈考並棲尚衡門禪師始能言已見聰哲稍  
有識便離貪取先慈矜異遺訓出家年甫十五遊於衡  
觀藝於鄴雖在白衣已奉持妙門清淨律行始爲鄴衛  
之松栢矣乃遠迹尋詣探極冥搜至汝南中流山靈泉  
寺讀法華維摩等經勤力不倦時月遍誦略無所遺後  
於夜分端唱經偈忽聞庭際若風雨聲視之乃空中落  
舍利數百粒又於都福先寺師事明法師廣習大乘經  
論區折理義多所通括以爲未臻靡極深求典奧時嵩

嶽大師法如愼不思議要用特生信重夕惕不遑既至而如公遣謝悵然悲憤追踐經行者久之載初歲遂落髮具戒律行貞苦自介亦衛一食而已聞荊州玉泉道場大通禪師以禪惠兼化加刻意誓行苦身勵節將投勝緣則席不暇暖願依慈救故遊不滯方旣謁大師率呈操業一面盡敬以爲真吾師也大師乃應根會議垢散惱除旣而攝念慮棲榛林練五門入七淨毀譽不關於視聽榮辱豈繫於人我或處雪霜衣食罄匱未嘗見於顏色有厭苦之容積年鑽求確然大悟造微而內外無寄適用而威儀不捨大師乃授以空藏印以摠持周

旋十年不失一念雖大法未備其超步之迹固以遠矣  
後大師應召至東都天宮寺現疾因廣明有身之患唯  
禪師親在左右密有傳付人莫能知後聖僧萬迴遇見  
禪師謂衆人曰魯通正法必此人也神龍歲自嵩山嶽  
寺爲羣公所請邀至京師遊於終南化感寺棲置法堂  
演際林水外示離俗內得安神冥居寥廓廿年所時有  
息心貞信之士抗迹隱淪之輩雖負才藉貴鴻名碩德  
皆割弃愛欲洗心清淨齋莊肅敬供施無方或請發菩  
提或參扣禪契有好慕而求進修者有厭苦而求利益  
者莫不懇誓專一披露塵惱禪師由是開演先師之業

懋宣至聖之教語則無像應不以情規濟方圓各以其  
器陶津緣性必詣其實廣燎明哲之燈洞鑒昏沉之路  
心無所伏故物無不伏功不自己乃功無不成迷識者  
以悟日新愛形者由化能革不遠千里曾未旬時騰換  
道場延袤山谷所謂旃檀移植異類同薰摩尼迴曜衆  
珍自積其若是乎如來以四諦法濟三乘衆生以八正  
道示一切迷惑其或繼之者善成之者性非夫行可與  
真靜齊致道可與護身同體者固難議於斯開元十年  
長安道俗請禪師住京城慈恩寺十三年

皇帝東巡河洛特令赴都居福先寺十五年放還京師



廿一年

恩旨復令入都至南龍興寺曰此人境

之靜也遂留憩焉沙門四輩靡然向風者日有千數其  
因環里市絕黃茹而歸向者不可勝計廿三年秋八月  
始現衰疾閉關晦養不接人事誠諸門徒曰吾聞道在  
心不在事法由己非由人當自勤力以濟神用衆以爲  
付屬之萌也明年夏五月加疾減膳廿四日中西之間  
有白虹十餘道通亘輝映久而不滅廿五日際晚攝念  
開顏謂近侍數人云本師釋迦示現受生七十有九乃  
般涅槃吾今得佛之同年更何所住又云臥去坐去亦  
何差別便右脇枕手疊足而臥此則知身非實處疾不

亂奄忽棄世無覺知者

皇帝降中使特加

慰賻尋策謚号曰大智禪師卽大智本行皆悉成就以  
禪師能備此本行也禪師法輪始自天竺達摩大教東  
派三百餘年獨稱東山學門也自可琰信忍至大通遞  
相印屬大通之傳付者何東普寂興禪師二人卽東山  
繼德七代于茲矣禪師性篤仁厚天姿通簡取捨自在  
深淨無邊苦己任真曠心濟物居道訓俗不忘於忠孝  
虛往實歸尤見其固然有無不足定其體名數安能極  
其稱譬波難挹高棟云推旣離形器之表當會神通之  
域粵七月六日遷神于龍門奉先寺之北岡威儀法事

盡令官給楮紳縞素者數百人士庶喪服者有萬計自  
鼎門至于塔所雲集雷動信宿不絕棺將臨壙有五色  
祥雲白鶴數十雲光鶴影皆臨棺上鬱爲徘徊候掩而  
散近古歸墓靈相未有如斯之盛也禪師之季曰道深  
力方墳而心盡弟子莊濟等營豐碑而志勤伊余識昧  
昔嘗面稟非以文詞取拙將爲剋墓在懷覽江夏立銘  
涕增橫墜覩太原成論悲甚慨然攀緣苦集願望都斷  
有太僕卿濮陽杜昱者與余法利同事共集禪師衆所  
知見實錄其餘傳聞不必盡記且離生滅是究竟無餘  
鏤盤盂乃古今難秣顧才不稱物短絆汲深猶昔人稽

首東向缺心虛缺者以爲懸慕之極况鐫刻永世不猶  
愈乎其銘曰

契真慈者道爲物先靈力幽授降初生賢爰茲大士寂  
照輝宣惠超三業心空四禪德溥甘露言威清泉朝軒  
宗極念護無適猶彼檀施子福未嘗有却彼戒戒子物  
無不受石無磷子白不涅栢耐霜子竹停雪今將遺世  
子無有量永離葢經子辭生滅門人法侶子無歸仰刻  
碧珮金子狀高節望廬山子摧墓瞻則谷子悲絕

開元廿四年歲在丙子九月丁丑朔十八日甲午建

史子華刻字

金石錄卷八十一  
碑陰

記刻碑陰之下方二十  
七行行九字隸書

大智禪師碑陰記

河南少尹陽伯成撰

通宣郎行河南府伊闕縣尉集賢院待制兼校理

史惟則書

夫道非言言以明道也空非相相以泯空也 禪師珍

天真杳曠劫傳印出等等騰非非適來時也適去願也

上自宸扆下達蓬萊纔仰青蓮之元旋驚白林之會

中書侍郎嚴公探祕藏決詞江洋洋乎文宗昭昭乎靈

迹伯成殊昧先覺忝在後塵糺合羣公激揚衆美豈翰  
墨以云朽將金石以齊固所謂非六經曷以明夫子也  
非四偈曷以曉真如也凡捨淨財者 人具顓臾里  
于時歲在辛巳五月庚戌十八日丁卯皇唐開元廿九  
年也

施碑石主弟子朝散大行華原縣令劉同

此碑爲唐史侍御惟則書寶泉述書賦稱史書古今  
折衷大小應變聲價極不落莫也其行筆絕類太山  
銘而縝密過之知開元帝潤澤所自耳大智師北宗  
之錚錚者嚴挺之粗能其家言俱可存者

金州山人

大智師見唐方技傳傳云開元二十年卒碑云二十四年碑陰陽伯成撰記施淨財事而惟則書書法瘦而少態與前碑異何也

石墨  
鑄華

惟則分隸爲開元時第一此碑完好無一字剝落尤

爲可珍

庚子銷  
夏記

碑書縉紳作楷紳蓋以縉亦作楷遂誤手爲木耳碑陰陽伯成撰亦史惟則書前碑書於開元廿四年碑陰書於廿九年前碑老勁莊嚴此書骨力參以和緩之致乃趙子頤反謂其瘦而少態何也

金石  
存

碑陰記河南少尹陽伯成撰伯成嘗爲戶部郎中見

唐書崔沔傳

潛研堂金石文跋尾

碑盛述大智勤行戒律至後終以皈依比于昔人稽首東向獻心盧嶽者以爲懸慕之極攷挺之傳云溺志于佛與浮屠惠義善義卒喪服送其喪已乃自葬于塔左其迷溺不返有由然矣挺之題銜中書侍郎者史亦未及

授堂金石跋

### 張昕墓志

石高廣俱一尺六寸五分二十一行  
行二十十字正書在西安府城南杜城

大唐故京兆府美原縣尉張府君墓誌銘

并序

君諱昕字道光京兆長安人也漢廷尉之不緒晉司空



之徽烈印傳雙鵠不墜家聲冠映七貂挺生其美祖宗  
隨襄城郡守和易二州刺史剖符按俗露冤宣風明斷  
不謝於分嫌清白有逾於酌水祖勸朝散大夫上柱國  
行聞州西水縣令術雄五縣恩寵百縑調絃則綵翟馴  
乘字物乃白鳩巢室父元禕中大夫行寧州長史才高  
展驥德邁題輿專城假朔中朝藉甚君門承懿範胎教  
英奇鄉譽克重於歲寒庭訓必先於忠孝取父蔭出身  
解褐授涇州鶉觚縣尉秩滿選授汾州隰城縣尉丁父  
憂服終還授京兆府美原縣尉而職司畿甸聲流臺閣  
冀期朝須方朔欲問西風何處天要李通便遊東岱以

開元廿四年秋七月四日奄終于私第春秋五十有七  
卽以其年歲次景子十月三日窆葬於京城南杜城東  
二百步舊塋之禮也夫人京兆韋氏夫人恒農楊氏遷  
合嗣子等臨鶴塋而攀號恐冥冥無知鑿石爲記其詞  
曰

於昭清河宗社煥施廷尉重道司空博識家傳鵠印代  
襲貂珥剖符求瘼箱墨調絃龐公外臺梅福幾旬德音  
尙在魂靈不見親親雪泣嗣子攀號式鐫貞珉永播劬  
勞

開元廿四年歲次景子十月三日己口

按誌內祖宗字當是祖字上失寫曾字其曾祖名宗

耳

雍州金石記

按張昕及其曾祖宗祖勣父元禕隋唐書俱無傳  
曾祖既失寫曾字後文杜城東二百步舊塋之下  
當有東西左右等字亦失寫也末行十月三日已  
下泐一字十月是丁未朔三日乃己酉也

左輔頓僚西嶽廟中刻石記

石已斷裂現存三塊合之橫廣三尺八寸七分高三尺十九行行十六字隸書

刻石記

權僊文

韓城縣主簿杜釋書

□□□□□□□□十月

□□□□□□□□師左馮翊太守魯□□□□

□□□之事旬有二日奉迎□□□□□□□□龍臺

七百餘人獻□□□□□□□□旌旂火天組練雪

□□□□□□□□雄兒風清九夷聲□□□□□

□□□□而赫彌天之崇泣臨□□□□□□□□

一邑非夫奮霆電□□□□□□□□能自明辟而

下逮王公卿士洎羣馬小□□□□□□□□我魯公

之肅讓不□實勾操虛奔功操揚日休馮翊率前御史

薛嶧尉裴季通苗元震朝邑尉劉遵素澄城尉邵潤之  
河西尉權倕不暇怠也仰瞻口掌俯虔靈祠虛聞悉成  
之音寶荷穰穰之祐倕固陋舊學于師氏見命書事因  
刻石而 口口口口

韓城縣丞李從一

右碑石分爲三存一百七十七字文不可讀惟倕文  
釋書數處可辨攷金石錄有畱傳卽倕所撰文當開  
元二十五年又宰相世系表以爲卽德與之祖故附  
置于此書法類蔡有鄰

關中金  
石記

按碑題但有刻石記三字据復齋碑錄云有左輔

頓僚四字義不可曉撰文者權倖乃宰相德與之  
祖倖之子皋見唐書卓行傳云皋字士繇秦川略  
陽人從潤州丹徒父倖與席豫蘇源明以藝文相  
友終羽林軍參軍倖之事跡可見者祇此碑有左  
馮翊太守魯公字又有曹掾令尉等姓名似係從  
太守致禱于嶽祠而記其事情文多缺泐馮翊太  
守魯公旣于史難稽而陝西通志名宦傳寥寥無  
幾人未有如碑所云者無從考矣

裴光庭碑

碑已斷不知其高幾許廣五尺六  
寸五分三十一行字數無考行書

大唐故光祿大夫□侍中兼吏部尚書□□學士贈  
太師□□忠獻公

下調

御書

金紫光祿大夫侍中□□館學士上柱國□□縣開

國男臣□□□奉

缺

夫道常習

故益人

拘於凡也

得精忘塵是天

縱於聖也

方聖上之拔

大師也豈籍譽於朝廷哉徑取士於無跡

黜收功於未朕而終致大用克成休勛使祖虛名者見

西子而增貌工橫議者聞魯連

而杜

口乃

知古謂則哲

雖帝其難今之得人遇聖爲易能允

明主之鑒不負真

賢之實者其在正平忠憲公乎公諱光庭字連城河東

聞喜人也伯翳之後與秦同姓始封于裴因邑命氏在

魏晉之際爲人物之傑與瑯琊王氏相敵時人謂之八

裴八王自茲厥後奕代更盛大王父定周大將軍馮翊

太守瑯琊公大父仁基隋光祿大夫追贈持節原州都

督

天而旣厭隋德矣見危致命不亦難乎諡之曰忠春

秋之義也父行儉禮部尙書兼定襄道行軍大總管開

喜縣公贈太尉時或有姦王命矣禁暴安人不謂重乎

諡之曰憲尊名典也

公卽太尉公次子降神元和含光

不曜越在初服已有老成雖遠大是圖而近議莫唐學



探帝載何事小名業綜人倫豈於一善弱歲居太尉獻  
公喪幼以孝聞尋補宏文館學生神龍中明經擢第授

家令寺丞轉太常丞加朝散大夫景龍中以親累外轉

尋入爲陝王友改右衛郎將丁晉國太夫人憂柴毀骨

立殆至減性服免起爲貝州別駕未之就也復除右衛

郎將無何遷率府中郎嗟有其道而無其用不可行

也得其時而不得其志亦不可行也公資經綸之器韜

王霸之畧自委泊外臺棲遲下位出外從事十數年間

地然而自若者何哉蓋知才有所必伸命有所必與非

苟而已開元中聖上思光祿之休烈嘉太尉之元勳是

必彖賢其將大受特拜司門郎中轉兵部侍臺之文始  
應列宿鴻漸之初可用爲儀還鴻臚少卿以觀其能也  
是歲天子有事

于岱宗諸侯會

朝于行在執籩豆者不

限於中外獻琛賁者亦

勤於駿奔莫不來享無有遠近

而執政以公代曉邊事職在行人且曰夷狄恃豺狼黠

盟阻德我今有事戎或生心我張吾師有備無患若何

公曰不可夫封禪者所以告成功也觀兵

者所以威逆

命也云享苗扈非一時之事也受脤執燔非三代之禮

也天方佑我光啓舊服憬彼獯鬻能達天平無庸勦人

可以謙

告從之秋九月突厥果使其相執

失類

利發與

其介阿史德嗽泥孰來朝公之謀也東封還遷兵部侍

郎祈父之職夏卿之亞存而舉者悉以咨之公於是考

遺訓補闕典蒐苗蠲符之禮詳施稅簡稽之賦頒九畿

之政攻九伐之刑以練國容以精軍實邊鄙不聳帝用

嘉之既而拜中書侍郎同中書門下平章事兼御史大

夫王出其言需乎人有歸也天冠惟明肅乎人知禁也

銖加銀青光祿大夫換黃門侍郎俄遷侍中兼吏部尚

書宏文館學士摠百揆之樞轄酌九流之泉與叶文軌

之殷受天人之和木火象鼎其惟實鍊山川出雲用作

霖雨時哉之會無得稱焉先是大化之行也務以應然

遵夫易簡舊章存而不

議吏道繼以多端公於是求革

故之實契隨時之義作秩序以平之設循資以定之謹

權衡以選之考殿最以參之姦回無所措

其邪噂喑不

能介其量多士

動色舉方改瞻仰之者選

平如山窺之

者問不容髮或曰執事無乃惠歟公曰大命敢不敬歟

若然方將致六符於秦階驅百姓於仁壽豈直睥睨先

正紛綸近古相

而隨流守而勿失云爾哉廿年冬上幸

河東祠后土命公

兼左軍師禮畢賜爵正平男加光祿

大夫云抑人有言曰樹善莫如滋積仁莫如重則誠信

之屬有後於晉樂武之德未絕於

人宜公侯之子孫必

復其始也公

嘗讀易

至益之

屯

與升之

漸喟然嘆曰物

惡有滿而不溢高而不危者哉既而居不崇侈動無踰

法雖百乘之家萬夫之長冲如也謂日用不知存諸方

冊何

天年未永瘳此台臣廿有一年春三月癸卯遭疾

薨於京師

平康里之私第春秋五十八朝廷哀傷冕旒

震悼制戶部尙書杜暹卽贍弔祭賜物五百段粟五百

石喪事優厚官供輟朝

三日丁

未有詔追贈太師謚曰

忠獻使左庶子攝鴻臚卿李道口

監候喪事以口月口

日葬我忠獻公於閭喜之舊塋禮也初知星者言上相

有變良臣將歿謂請葬之公曰使禍可禳而

去則福可

祝而來論者多之

以爲知命

夫天下之達道有五所以

以

行之者三日忠孝仁安君忠也策起孝也周物仁也此

三者有一於身鮮矣而公實兼之且婦于人者必好其

成福賢于

事者

必美

其謗政公知其

然則以

直道

匪躬

之故

忠

莫厚焉禮爲人

子春秋以致享義於人臣風夜

以從命公知其然則以時告知在之微孝莫重焉夫以

衡石之任陶鈞之力莫不貴於下吏

求備於一人以故

舞文雷同

疑獄

歲構悟而不改

浸以成風公

知其故則

以信察御物之惠仁莫加焉其行已奉公皆此類也嘗

所著述率于箴規以爲惇叙九族本枝百世王者之盛

德也

而義

不可以無訓作搖山

往記維城

前軌以諷之

微而章

志而

晦聖人之塞也道不可以虛行作續春秋

自戰國迄于周隋以統之臣子義也天人之際情矣非

清問通理其孰能與於此乎

宜其存無

幸人沒有遺愛

嗣子

撰

京兆府司錄參軍孝實克家勳

必中藏丕承厚

命紆天鑒而增華敢請前修琢豐碑而不朽銘曰

蓋

作舜虞鉞分晉士慶流入族德成三祖瑯琊

象賢懷

文

環武光祿忠烈殺身報主尚書出將恢我王略文教

內敷武功外錄緇衣之弊惟公繼作用晦而明處豐思

約鴻臚好謀更卿稱職

代天施化佐皇立極納子

憲府

好是正直乃宅家司謀猷允塞盡瘁事國夙夜在公居無闕正殲有餘忠天子命我頌德銘功日月有既令聞無窮

奉勅檢校勳使朝議大夫口口議大夫上柱國口庭誨判官口缺

奉勅檢校樹碑使銀青光祿大夫使持節解州諸軍事解州刺史上缺

右裴光庭碑張九齡撰元宗御書按唐書列傳云光庭素與蕭嵩不平及卒博士孫琬希嵩意以其用循資格非獎勸之誼謚曰克平帝聞特賜謚曰忠憲今



碑及題額皆爲忠獻傳云撰搖山往則而碑云往記  
光庭以開元二十一年薨二十四年建此碑元宗自  
書不應誤皆當以碑爲是

集古錄

唐中書令集賢院學士張九齡奉勅撰元宗御書侍  
中裴耀卿題御書字兵部尙書同中書門下三品李  
林甫題額諫議大夫褚延誨摹勒光庭字連城河東  
聞喜人官至侍中正平郡公贈太師謚忠憲碑以開  
元二十四年十一月立在聞喜

集古錄目

按此碑金石諸書僅見集古錄與錄目有之餘皆  
不見著錄錢塘倪濤六藝之一錄載及此碑蓋倪

氏是廣採諸家錄目者此碑得入錄賴有歐公二  
跋也碑文斷缺題稱忠獻公而泐其姓文內叙氏  
族處皆泐賴有廿有一年春三月癸卯遘疾薨于  
京師字特完好以元宗紀證之知爲裴光庭也惟  
紀書三月乙巳裴光庭薨碑則云癸卯小異耳前  
題金紫光祿大夫侍中□□館學士上柱國□□  
縣開國男臣□□□奉闕此乃奉勅撰文者以光  
庭傳考之知爲張九齡也九齡傳遷中書舍人內  
供奉封曲江男出爲嶺南道按察使召爲祕書少  
監集賢院學士副知院事今碑作□□館學士則

以宏文館學士矣與傳異也碑是御書未有檢校  
摸勒使檢校樹碑使二行凡御書碑宜皆有此勅  
使二人想搨者失之獨此碑見耳樹碑使泐其姓  
名無從考矣摸勒使存庭誨二字据集古錄目知  
爲諫議大夫褚廷誨也廷誨庭誨互異當從碑然  
集古錄目不及樹碑使何也猶幸其前詳叙題御  
書字之裴耀卿題額之李林甫今搨皆佚之又可  
知凡御書碑皆別有題御書字之人他碑皆不詳  
獨此碑有之歐公得此碑時皆及見之也又檢文  
苑英華載此文雖多訛字然可取以補碑之闕者

甚多知今碑存者僅三之一耳文前叙先世云伯翳之後與秦同姓始封于裴因邑命氏後銘詞則云益作舜虞鍼分晉土慶流八族德成三祖伯翳卽伯益通志氏族略云裴氏嬴姓伯益之後秦非子支孫封蜚鄉因以爲氏今聞喜蜚城是也聞喜隸解州六代孫陵當周僖王之時封爲解邑吉乃去邑從衣爲裴一云晉平公封顓帝之孫鍼於周川之裴中號裴君此碑叙先世叙與銘各從一說也然唐書宰相世系表已云封鍼裴中之說疑不可辨而銘乃取之可知當時裴氏譜牒非甚有確

證者矣世系表云陵裔孫益益之九世孫燉煌太  
守遵自雲中徙光武平隴蜀徙居河東安邑安順  
之際徙聞喜其後分爲西眷中眷東眷三裴卽碑  
所謂三祖也光庭系出中眷裴氏碑云魏晉之際  
爲人物之傑與瑯琊王氏相敵時人謂之八裴八  
王此語本世說云正始中人士比論以八裴方八  
王裴微方王祥裴楷方王衍裴康方王綏裴綽方  
王澄裴瓚方王敦裴邈方王導裴頠方王戎裴邈  
方王元是也此下叙其大王父定高英華脫高字大父  
仁基父行儉文皆勑惟存見危致命謹之曰忠數